

“Soliqchi - koʻmakchi” tamoyili asosida tushuntirish ishlari olib borilmoqda

03/02/2023 - 11:09



2023-yilda ham Nurobod tumanida qonunchilikdagi oʻzgarishlar toʻgʻrisida tadbirkorlik subyektlariga “Soliqchi - koʻmakchi” tamoyili asosida tushuntirish ishlari olib borilmoqda.

Nurobod tumani davlat soliq inspeksiyasi xodimlari tomonidan tadbirkorlik subyektlariga 2023-yil 1-yanvardan boshlab yillik tovar aylanmasidan kelib chiqqan holda QQS toʻlovchi sifatida roʻyxatdan oʻtishi lozimligi, ushbu soliq stavkasining 12 foizga pasaytirilganligi hamda hisobot topshirish tartiblari tushuntirilmoqda.

Aylanmadan olinadigan soliqni qatʼiy belgilangan summada toʻlash tartibi joriy etildi.

Bunda soliq toʻlovchilar jami daromadi 500 million soʻmdan oshmaganda yiliga 20 million soʻmlik, jami daromad 500 million soʻmdan oshganda yiliga 30 million soʻmlik, qatʼiy belgilangan soʻmmada soliq toʻlashni ixtiyoriy tarzda tanlashlari mumkin.

Shuni taʼkidlash joizki, mazkur tartib boʻyicha soliq toʻlash ixtiyoriy hisoblanadi. Ushbu tartibni tanlash tadbirkorlik subyektlari uchun quyidagi yengilliklarni yaratib beradi:

- buxgalter yollash shart boʻlmaydi (bunda buxgalterga toʻlanadigan ish haqi xarajatlari qisqaradi), shuningdek tovarlar hisobini yuritish talab etilmaydi;
- soliq organlariga moliyaviy hisobotlar va aylanmadan olinadigan soliq hisobotini taqdim etish majburiyati yuzaga kelmaydi;
- bank hisobvaragʻidan dividend tarzda yechib olinadigan mablagʻlar soliqqa tortilmaydi.

Aylanmadan olinadigan soliqni qatʼiy belgilangan summada toʻlashning oʻziga xos xususiyatlari mavjud.

Jumladan, aylanmadan olinadigan soliq toʻlovchi kalendar yilning istalgan oyidan ushbu tartibga oʻtishga haqli.

Bunda, aylanmadan olinadigan soliqni umumiy tartibda toʻlashga navbatdagi soliq davridan boshlab qaytiladi.

Ushbu qatʼiy belgilangan summada soliq toʻlashning afzallik va foydali tomonlari tushuntirilib, qanday qilib soliq toʻlashning bunday tartibga oʻtish mumkinligi toʻgʻrisidagi malumotlar yetkazilmoqda.

Nurobod tumani davlat soliq inspeksiyasi
